

فبأي آلاء ربكما تكذبان | #خطبة_جمعة | د. حازم شومان

حازم شومان

ونعوذ بالله من شرور انفسنا ومن سيئات اعمالنا له من يهده الله فلا مضل له. ومن يضل فلن تجد له هاديا مرشدا. يا ايها الذين امنوا اتقوا الله احق تقاته ولا تموتن الا وانتم مسلمون. يا ايها الناس اتقوا ربكم - [00:00:00](#)

الذي خلقكم من نفس واحدة وخلق منها زوجها وبث منهما رجالا كثيرا ونساء واتقوا الله الذي تساءلون به والارحام. ان الله كان عليكم رقيبا يا ايها الذين امنوا اتقوا الله. اتقوا الله وقولوا قولا سديدا. يصلح لكم اعمالكم - [00:00:40](#)

ويغفر لكم ذنوبكم. ومن يطع الله ورسوله فقد فاز فوزا عظيما. اللهم صل على الحبيب محمد وعلى ازواجه امهات المؤمنين وعلى ذريته وال بيته انك حميد مجيد. اما بعد اخواني واحبابي في الله - [00:01:10](#)

ذات مرة تقدم شاب لواحدة تقدم لها وجدها مهر او شبكة طقم الماز طقم الماز شبكة لها وطبعا كانت سعادة غامرة وشابكة فاخرة عاشوا مع بعض اربع سنين وبعد كده لم يوفقوا مع بعض واتطلقوا وساب لها الشبكة بعد - [00:01:30](#)

فخرجت من الجوازة بقي ظنت ان هي خرجت معها غنيمة بقي طقم الماز. رايحة تبيعه فوجئت ان هو فالصو. فوجئت ان الطقم اللي متقدم لها شبكة من اربع ده واللي هي عايشة بتبهاى امام الناس من اربع سنين ان هو طقم فالصو. احيانا فيه ناس بتبقى عايشة عشان حاجة فالصو وهي مش فاهمة - [00:01:50](#)

ناس بتبقى معظمه في عنبيها حاجة فالصو. وهي مش فاهمة. الست دي فاقت بعد اربع سنين. ان هي كانت عايشة في وهم حاجة فالصو. فيه ناس ما تفوقش غير بعد الموت. فيه ناس ما بتفهمش ان الدنيا دي فالص غير بعد الموت. فيه ناس ما بتفهمش ان الحاجات اللي فرحت عشانها وحزنت عشانها. ونم - [00:02:10](#)

بتحلم بها وصحيت تسعة لها ان كثير من الحاجات دي في الاخر كان فالصو يوم ستة وعشرين اتناشر الفين واربعة ستة وعشرين اتناشر يعني قبل الكريسماس بتلات اربع تيام كده. يعني والناس كلها بتستعد بقي على شواطى تايلاند وشواطى اندونيسيا. واكثر قرى سياحية في العالم بيوقع فيها منكرات - [00:02:30](#)

وبينتهج فيها الحرمان. وبيوقع فيها في الزنا وبيشرب فيها الخمر. اكثر شواطى في العالم يحصل زلزال تسونامي. البحر فجأة على بني ادم. الموجة كان بيبقى ارتفاعها من ثلاثين لاربعين متر. يعني موجة بارتفاع برجين. الموج كان بيدخل على الناس في البيوت ياخذهم من - [00:02:50](#)

على السراير ويغرقهم في البحار. سفينة. تخيل انت في دقائق تلتمة وعشرين الف بني ادم ماتوا. في دقائق دقيقتين او ثلاث دقائق تلتمة وعشرين الف بني ادم ماتوا. انت متخيل قوة الزلزال دي شكلها ايه؟ في ناس ما بتفهمش ان الدنيا فالص غير بعد ما بيموتوا - [00:03:10](#)

فيه ناس بتؤخذ فجأة ولا تدرك ان كل اللي هم كانوا فيه ده كان فالصو غير بعد ما بيموتوا. تخيل لو تخيل لو جاء لك فرصة كده ان البشرية كلها - [00:03:30](#)

كل اعمالها تقف. تاخذ اجازات من كل اعمالها. تتوقف جميع المصالح الحكومية في المية وسبعين دولة اللي على وجه الارض. الانس والجن كلهم هيصدم عشان يسمعو بيان واحد. انت هتقول البيان ده جميع الازاعات والتليفزيونات والمحطات في العالم كله وقفت. قدامك هيقف - [00:03:43](#)

البشر والانس والجن والناس اللي في تاريخ البشرية والناس اللي لسه جايبين. قدامك هيقف حكام العالم والفقراء والمرضى والسلا

قدامك هيقف الاغنياء والفقراء والوزير والغفير. قدامك هيقف الشباب والكبار والصغار والاطفال. والنساء قدامك هيقعوا في البشرية كلها - [00:04:03](#)

يا ترى تقول لهم ايه ؟ يا ترى تقول لهم ايه ؟ عشان يفوقوا من الغيبوبة اللي هم فيها. يا ترى هتكلمهم وهتقول لهم ايه ؟ عشان يفوقوا من وهم الحياة او - [00:04:23](#)

احلام الفالحو اللي هم بيحلموا بها هو ده اللي حصل في صورة الرحمن. سورة الرحمن خطاب الله للبشرية كلها. سورة من صور المرحلة السرية من الصور اللي نازلة في اول سنين في مكة قبل ما النبي عليه الصلاة والسلام يجهر بالدعوة من الصور اللي نزلت للنبي عشان - [00:04:33](#)

بعد كده هينزل بها للدنيا كلها. سورة الرحمن نازلة للانس والجن. ربنا بيقول فيها فباي الاء ربكما تكذبان الله بيخاطب فيها البشرية كلها. بيخاطب فيها الانس والجن. يا معشر الجن والانس. ان استطعتم ان تنفذوا من اطار السماوات والارض - [00:04:53](#) فانفذوا لا تنفذون الا بسلطان. الله يخاطب سنفرغ لكم ايها الثقلان. الثقلان اللي هم الانس والجن تقال ذنوبكم ثقيلة. ذنوبكم ثقيلة وماشييين على الارض فاكيرين ان لكم ثقل ولكم وزن. وانتم ما لكوش وزن عند ربنا غير بالعمل الصالح. ايها الثقلان - [00:05:13](#) تقال على الارض. الارض بتستجير بالله من ذنوبكم. والسماء بتستجير بالله من ذنوبكم. ايها الثقلان. فاكيرين ان انتم لكم ثقل وانتم ما لكوش ثقل عند ربنا. بسبب اعراضكم عن الله. ايها الثقلان تقال في الطاعة. صحيانكم لصلاة الفجر تقيل - [00:05:33](#)

قيامكم لليل تقيل. ترككم للمعصية تقيل. تب توبتكم الى الله تقيلة. سعيكم في العمل الصالح تقيل ساعة ما بتدعوا الى الله تقال ما انتمش صراع. ما انتوش نشاط في طاعة الله سبحانه وتعالى. الله يخاطب في هذه السورة البشرية - [00:05:53](#)

هي كلها والجن كلها. الله يخاطب في هذه السورة جميع المكلفين. الله يخاطب في هذه السورة. الوزير والغفير والغني والفقير والمريض السليم الله يخاطب هذه الصورة الرجال والنساء الشباب والكبار والاطفال. الرحمن اول اية في السورة كلمة واحدة بس - [00:06:13](#)

الرحمن بس. عارف لما فجأة واحد يبجي في الديوان الملكي ويقول رئيس الجمهورية بس هي كلمة بس. يعني ايه الرحمن ؟ كلمة اخترقت سموات وزلزلة سبع سماوات ولكن احنا اللي قلوبنا مش حاسة بها. يعني الرحمن - [00:06:33](#) الرحمن اللي رحمته بتنفض لك في اي قرن. كأن ربنا بيقول للمشاريع كلها افتكروا افتكروا كم مرة كنت في زنقة وربنا فرج كركب افتكري لما كان سنك عدى خلاص مش هتتجوزي. وربنا رزقك زوج احسن من اي واحدة تتمناه. افتكر لما كنت مريض وجميع - [00:06:50](#)

المرض احاطت بك والدكاترة كلهم قالوا لك ما فيش امل غير في ربنا سبحانه وتعالى. وربنا رحمته كبيرة. والتحاليل كلها والاشعة كلها انا اللي خلاص الحالة منتهية. وجه شفاء الله لك. وجه فرج الله لك. افتكري لما الدنيا ضاقت بك. والزروف ضاقت بك - [00:07:10](#)

ما كنتش فيه اي امل انك تخرج من الازمة اللي انت فيها. وربنا من عنده باتت نار صحيت عمار من عند الله. افتكر كل كرب ربنا منه. افتكر كل مشكلة ربنا حلها لك. افتكروا الرحمن. الرحمن اللي رحمته نفزت لابراهيم في النار. اللي رحمته - [00:07:30](#)

قفزت لسيدنا محمد عليه الصلاة والسلام في الغار. اللي رحمته نفزت ليونس في بطن الحوت اللي رحمته نفزت ليعوسف في بطن السجن وفي بطن الرحمن اللي انت لو في بطن جبل وكل الاسباب احاطت بك اسباب الهلاك. الله رحمته تنفذ لك. اللي لما الثلاثة دخلوا - [00:07:50](#)

صخرة ووقع عليهم صخرة من الجبل سدت الدنيا معهمش موبايل ولا سوشيال ميديا ولا عندهم تواصل بالدنيا ولا يقدرُوا يستغيسوا وخلاص ضايعين ضايعين. رفعوا ايديهم للرحمن. رحمة الرحمن نفزت لهم في بطن الجبل. وربنا ازاح الصخرة عنهم ونجاهم - [00:08:10](#)

كلمة واحدة بس. اول اية في السورة كلمة واحدة بس. الرحمن كفاية الاية ديت بس اعرضها على قلبك. وافتكر رحمت ربنا في

حياتك و حياة ربنا في سمعك وبصرك. رحمات ربنا في رزقك. رحمات ربنا في رزقك المحبين اللي حواليك. رحمات ربنا في كل حاجة في - [00:08:30](#)

بعد كده ربنا يعدد نعم الرحمن بيفكر البشرية بقى وهو يخاطب البشرية جمعاء يذكر نعم الرحمن. اول نعمة علم القرآن. علم القرآن ده بعدها خلق الانسان. يا رب الاول يتخلق وبعد كده يتعلم. لأ. القرآن قبل - [00:08:50](#)

تعليم القرآن قبل نعمة خلق الانسان. لان الانسان من غير القرآن ما هوش انسان. القرآن من غير الانسان من غير القرآن ما هوش بني ادم. عشان ربنا يقول للبشرية ان اعظم نعمة في الوجود هي نعمة الدين. اعظم نعمة في الوجود. كل اية ربنا علمها لك. كل اية ربنا فهمها لك. كل - [00:09:10](#)

صلاة ربنا خلاك تسجد له فيها. كل ركعة ربنا رزقها لك. كل يوم صيام ربنا اعانك عليه. كل مرة لسانك اتحرك بذكره كل مرة فتحت المصحف هي دي اعظم نعمة. اعظم نعمة واعزم رحمة من رحمات الله على البشرية كلها. هي رحمة الدين. الرحمن - [00:09:30](#)

القرآن يبقى اول حاجة علم القرآن دي اول حاجة القرآن انت من غير القرآن اصلا مش انسان. القرآن ده اعظم نعمة من ربنا سبحانه وتعالى على النبي ادم لما تقرا في قصص الانبياء كده وتعيش مع جزاك الله خير. وتعيش مع قصص الانبياء. وتعيش مع آيات القرآن - [00:09:50](#)

سبحان الله كنت بقرأ في في قول الله في سورة العنكبوت في قصة سيدنا ابراهيم وقال انما اتخذتم من دون الله اوثانا بينكم في الحياة الدنيا. ثم يوم القيامة يكفر بعضكم ببعض. ايه ده! سيدنا ابراهيم لسة خارج من النار. سيدنا ابراهيم خارج من النار - [00:10:10](#)

اللي اترمى فيها عقوبة انه بيتكلم عن ربنا. خارج من النار يتكلم عن ربنا. خارج من النار اشد عزيمة على الدعوة الى الله من عزمته قبل ما يدخل هذه النار اللي اوقدوها عقوبة لي على الدعوة. وقال خارج من النهار يتكلم عن ربنا المشهد ده يعمل في قلب - [00:10:30](#)

اللي بيقرأه ايه؟ مشهد سيدنا سليمان في سورة صاد وهو بيسبح ربنا جه عشرين الف فرس قدامه. شغلوه عن ذكر الله وتسبيح الله فذبهم طفق مسحاً. مشهد انسان بيمسح من حياته عشرين الف فرس. كل واحد تمنه ملايين. عشان - [00:10:50](#)

عن ذكر ربنا مرة عشان عطلوه عن جلسة ضحى مرة عشان عطلوه عن ركعتين يصليهم. تخيل كده المشهد ده يعمل في قلب اللي بيقرأه ايه؟ القرآن يخرج ابطال. القرآن بيغير حياتك. القرآن بيفوقك. مشهد سيدنا داود. وهو قاعد يسبح ربنا من الفجر للمغرب. يا [00:11:10](#) - [00:11:10](#) - [00:11:10](#)

مع الابل لما تؤوب يعني تسير من الفجر للغروب. سيدنا داود عليه الصلاة والسلام. كان يسبح الفجر للغروب بلا انقطاع. فتسبح الجبال. وتسبح الطيور. مشهد مهيب. الجبال بتسبح. الجبال بتجار الى الله - [00:11:30](#)

اه لو انت سمعت صوت تسبيح جبل تعمل ايه؟ لو الشباب اللي واقفين في ساحة الجامعة يعصوا ربنا سمعوا صوت تسبيح السحاب فوقهم يعملوا ايه لو الشباب اللي في النوادي بيعصوا ربنا سمعوا صوت تسبيح الحصى تحت رجليهم. هيعملوا ايه؟ لو الناس اللي بتعصي ربنا على شواطئ المصايب في - [00:11:50](#)

سمعوا صوت تسبيح البحر وامواج البحر هيعملوا ايه؟ لو سمعنا صوت تسبيح الكائنات لو شفنا جلال ربنا في السماوات. لو حسيننا بعظمة ربنا هنعمل ايه؟ علم القرآن. القرآن هو اعظم رحمة من رحمات الرحمن. هو اعظم نعمة من ربنا - [00:12:10](#)

وحياتك اوعى تخسر علاقتك بالقرآن. اوعى يعدي يوم من غير ما تفتح المصحف. اوعى تحرم نفسك من اعظم رحمة من غيرها الحياة يبقى كلها اكتئاب واربع تلاف واحد ينتحروا كل يوم واكتئاب نفسي ووسواس قهري ونوبات فزع وهلع وتوتر وقلق وادوية - [00:12:30](#)

نفسية ليه؟ لان رحمة القرآن غابت من حياتك. اوعى تنسى ان دي اعظم رحمة. اتنين خلق الانسان. بعد علم ان خلق الانسان بعد كده بقى ربنا بيقول لك ثاني نعمة ان انت اتخلقت اصلا. ان انت اتخلقت عشان تعرف ربنا و جلال ربنا وعظمة ربنا - [00:12:50](#)

خلق الانسان مليان رحمات رهيبه. لما تبص لجسمك كده جسمك ده انت مجمع معجزات. انت مجمع رحمات اتجمعت في كائن واحد تجمع معجزات. واحنا في اولى وتانية في كلية طب. خدنا ازاي الجسم بيشتغل في ست كتب بس. ست كتب كده ازاي - [00:13:10](#) الجسم بيشتغل. بعد كده تركيب الجسم ده في ست كتب تانيين. بعد كده ازاي الخلية بتشتغل من جوة في كتابين؟ بعد كده ازاي انت متخيل كل ده في الاخر قالوا لنا ان ده بس كنا بنقول لكم الجسم شكله ايه وهو سليم بس في سنة اولى وتانية. بعد كده تعالوا بقى اما نعرف الجسم ده لما - [00:13:30](#)

في الاربعة سنين الباقيين. انما الاول افهم الجسم بتاعك ده ايه. الواحد قال سبحانك يا رب ما نفدت كلمات الله قاعدين علماء بقى لهم تلتमित سنة يكتبوا ليل نهار في معجزات ربنا في خلق جسمك وما هماش عارفين يكتبوها وما هماش عارفين يخلصوا حاجة - [00:13:50](#)

وكل ما يكتشفوا معجزات يطلع لهم معجزات تانية. خلق الانسان. انت عارف انت جواك كم معجزة؟ انت عارف انت جواك كم من رحمات الرحمن يعني تعال نبص من برة كده يعني الحاجب ده هنجيب اصغر حاجات في جسم الانسان الحاجب ده لو ملكة جمال العالم ربنا خد منها نعمة الحياة - [00:14:10](#)

هيبقى الوزارة مرعب. هتبقى عاملة زي الافلام اللي بيحبوا فيها الفراغنة من غير حواجب ومنظرهم يخوف وهم بيبرقوا. لو ملكة جمال العالم اتشال منها نعمة الحاجب بس هتبقى انسانة الناس هتطيع ربنا. وتخاف لو طلعت لها في الضلمة. نعمة لسان المزمار. حنة اللحمة الصغيرة اللي في زورك. عسكري المرور - [00:14:30](#)

بينضم لك نزول النفس برة اول ما النفس يبجي ينزل تضرب على طول الاشارة يتفتح لسان المزمار. اول ما تيجي تشرب بق مية. الاشارة تبقى حمرا للنفس. ينزل بق الماية في الجوف في المعدة. لسان المزمار ده حنة اللحمة الصغيرة دي من غيرها. كان بق مية - [00:14:50](#)

يقتلك. كان ابسط لقمة عيش تقتلك. كان الانسان يموت وهو بياكل حنة فول سوداني. كان الانسان يموت وهو بيشر ببق عصير. كان الانسان يموت ما فيش عسكري مرور بينزم النفس يدخل فين؟ والاكل والشرب يدخلوا فين؟ ده ده نعمة صغيرة. من غيرها كنت تعمل ايه؟ لو الغشاء اللي حوالين الرئة - [00:15:10](#)

مش الرئة. ده انت لو ربنا كان اداك رئة واحدة كنا مشينا واعزكم الله زي الشوارع تلاقي الكلب ماشي يلهث يلهث يلهث الانسان مشي يلهس ليه؟ لانه مش عارف ياخذ نفس يكفي جسمه كله. فكان مشي ينهج عشان يعوض نقص النفس اللي عنده. لو كنت خدت رقة واحدة بس - [00:15:30](#)

لو الغلاف اللي حوالين الرئة ما كانش موجود. كان زمان الرئة الرئة قاعدة تكبر وتصغر تكبر وتصغر مع النفس. كانت الرئة تقعد تحتك بالعظم والقفص الصدري لما تكبر ساعة ما تاخذ النفس يحصل التهابات فيها. الالتهابات دي تخلي صدر الواحد نار من اللام مع كل نفس بتاخذ. كان كل - [00:15:50](#)

كل نفس بتاخذه يبقى نار. لو الحجاب الحاجز مش موجود. كت لو كلت وتقلت شوية المعدة تطلع على الرئة. تكبس على النفس ما تعرفش تاخذ نفسك. انت جسمك رحمات رهيبه. ضفرك الصغير ده لو اتشال. بتقعد اسبوعين ما تنامش من اللام. رحمات رهيبه. ربنا ملى جسمك بالرحمات. حاسس ربنا عمل لك ايه - [00:16:10](#)

خلق الانسان جسمك ما بين كل عضلتين انت جسمك ربنا اداك خمسميت عضلة. ما بين كل عضلتين فيه حنة دهن كده محطوطة ليه؟ عشان وهي بتتحرك يبقى بينها تزييت رباني. يبقى بينها تليين رباني. حنة الدهن دي لو مش موجودة. كان العضلات تحتك ببعض يحصل التهابات - [00:16:30](#)

كنت كل حركة تيجي تتحركها تلاقي نار في مكان العضو اللي بيتحرك في جسمك. انما ربنا ملى جسمك رحمات ملا حياة رحمات لو الجمجمة بتاعتك بس كانت الفتحة اللي ما بين العين وما بين الجمجمة ما اتفتحتش. اللي العصب البصري طالع من العين وداخل جوة المخ - [00:16:50](#)

منها كنا بقينا زي الدود اللي عايش تحت الطين ما بنشوفش حاجة. كنا طلعلنا عمي ما نشوفش حاجة. مين اللي فتح لك الفتحة دي؟
مين اللي فتح لك فتحات الجمجمة - [00:17:10](#)

اللي نازل منها الاعصاب اللي بتغزي جسمك كلها. علم القرآن. خلق الانسان علمه البيان. علمه البيان رحمة من رحمت ربنا ان ربنا خلاك
تقدر تبين عن اللي جواك. تخيل كده يعني ايه البيان؟ يعني الواحد وهو بيتكلم تلاقيه برق ويضحك وفيه - [00:17:20](#)
عضلات تعبير في الوش ويقول لك في حاجة اسمها لغة العيون ده بيان. تقدر تعبر عن اللي في قلبك بعينيك. فيه حاجة اسمها بوذي
لاند ووتش لغة الجسد اتعرفز تلاقيه يتعصب الهادي تلاقيه بيتكلم بسكينة لغة غير الكلام غير خمس تلاف لغة على وجه الارض. غير ان
ربنا علمك تنطق - [00:17:40](#)

اتكلم غير ان ربنا علمك تعبر عن اللي جواك بالحزن والفرح والدموع والابتسام والبشاشة والغضب والتبريء غير كل ده غير الرسم
والنحت بالضوابط الشرعية ولكل ده كل اللي بيسموها فنون جميلة دي بيان. الانسان بيعبر فيه عن اللي جواه. تخيل - [00:18:00](#)
بقى لو انت ماشي في الشارع كده لقيت قطة بتغمز لك بعينيها هتقع من طولك ساكت. تخيل بقى لو ماشي لقيت حمار بيعيط هتبقى
معجزة. تخيل بقى لو انت ماشي لقيت كلب بيشاور لواحد وبيعمل له كده بايديه. الناس قال بقى يقف ليه؟ لان الكائنات ما علمتش
البيان. الكائنات ما تعرفش تعبر عن اللي جواها - [00:18:20](#)

يبقى يوم العيد الصبح واحد بيدبح بقرة ها قدام بقرة تانية وده طبعاً ده جريمة اصلاً شرعية. قدام التانية ممكن واقفة مرعوبة ممكن
الوقفه خايفة ولكن هي واقفة قدامك كده ولا انت حاسس باي حاجة فيها. لم تعلم البيان. انت ربنا علمك تبين عن اللي جواك. تعبر عن
مشاعرك. تعبر - [00:18:40](#)

عن افكارك. تعبر عن مواهبك. علمه البيان. الشمس والقمر بحسبان. الله اكبر. الشمس والقمر بحسبان. من اعظم هم ايات حنان ربنا في
القرآن. عارف يعني ايه الشمس والقمر بحسبان؟ يعني ابنك الصغير او بنتك الصغيرة النونو راقب كده مراتك بتعمل معه ايه -
[00:19:00](#)

تلاقي في الشتاء الوقتي تلبسها بلوفر وبلوفر تاني فيه ايه؟ تقول لك لاً انا لازم احاسب عليها من البرد واتقل لها الهدوم شوية. يبجي
الصيف تخفف لها دوماها وليه؟ اصل دية لو احتررت ولبسناها ثقيل تفتس وتموت. فهي حاسبة لها تقل الهدوم على حسب حرارة الجو
- [00:19:20](#)

شمس والقمر بحسبان ربنا حاسب لك الشمس والقمر على مصلحتك انت. ربنا لو كانت الشمس اقرب شوية من بعدها عننا كنا اتحرقنا
واتشاوينا. لو كانت الشمس ابعد شوية كنا تلجنا واتجمدنا. لو كانت الشمس اصغر شوية. كان زمانا كلنا تلجنا. لو كانت - [00:19:40](#)
الشمس اكبر كان زمانا كلنا اتحرقنا. لو كان القمر ابعد او اقرب كان المد والجزر وحركة الماية في الارض كلها بازت الشمس والقمر
دول كل ما تبص لهم كده افتكر حنان الله. افتكر ربنا عمل لك ايه؟ افتكر ان لو كانت الشمس اربعة وعشرين ساعة كنا اتخنقنا وطقنا -
[00:20:00](#)

منها لو كان ما فيش شمس والقمر على طول. كنا متنا من الظلام ومنتنا من السواد اللي في الارض. ربنا زبطهم لك على مصلحتك انت
وعلى حسابك انت وعشان رحمتك انت. هي كل حاجة في الحياة كده. كل حاجة بحسبان. كل حاجة ربنا حاسبها على مصلحتك.
حتى الابتلاء - [00:20:20](#)

الابتلاء اللي انت مبتلى به ربنا حاسب به على مقاسك انت. لو كنت ابتليت ابتلاء غيرك ما كنتش صبرت. واحد حكيم صيني
ناس قاعدة تشتكي له من ابتلاءاتها. قال لهم كل واحد يكتب لي ابتلاءاته في ورقة ويرميها في الصندوق ده. الناس كل واحد كتب
مشاكله ومصايبه وابتلاءاته ومواجهه - [00:20:40](#)

فرقة ورموها بقى فيه صندوق فيه مواجع البلد كلها. قال لهم كل واحد بقى ياخذ اي ورقة عشوائي كده. يلقط اي ورقة عشوائي. كل
واحد مسك ورقة غيره طبعاً كل واحد بص فرقة غيره وقال لاً انا عايز ورقتي. انا عايز الورقة بتاعتي انا. انا الحمد لله ان ربنا ابتلاني
بابتلاءات انا عارف اتعامل - [00:21:00](#)

معها. ده ابتلاءات غيري كان زماي موت. الشمس والقمر بحسبان. ربنا بيحسب لك حتى درجة المرض اللي تمرضها لو مرضت عشان يرجعك له تاني حتى فاطمة الابتلاء ليه؟ ربنا حاسب لك كل حاجة عشان مصلحتك. عشان هدايتك حنان من الله سبحانه وتعالى. قد ايه ربنا تحنن عليك - [00:21:20](#)

الشمس والقمر بحسبان ان ربنا حسبها عشانك. ان ربنا تحنن عليك وحسبها عشانك زي ما ربنا سبحانه وتعالى قال وحنانا من لدنا زي اصحاب الكهف كده. اصحاب الكهف ناموا. الكهف له فتحتين. فتحة بتضرب الشمس فيهم طول النهار منها. لو ناموا - [00:21:40](#) ميت سنة في الشمس هيتشاوم وفتحة تانية الشمس وهي بتغرب تديهم شوية نور خفيف كده بعد العصاري منها. فربنا بيقول لك وترى الشمس اذا طلعت تزاوروا عن كفهم. الشمس ما الجمد الاشعة بتاعتها تنحرف عن مدخل الكافي ليه؟ عشان ما ياخدوش الشمس تضرب فيهم وهم نايمين. يبقوا نايمين في الهوا بس من غير - [00:22:00](#)

الشمس واذا غربت تقرضهم ذات الشمال. وساعة الغروب بقى تقوم مديهم الاشعة الخفيفة كده من الفتحة التانية. ليه؟ لان البني ادم محتاج الشمس يوميا جلدك محتاج ثلاث دقائق تعرض للشمس يوميا. عشان التفاعلات بتاعة الجلد تحصل. شف ربنا بيعمل لهم ايه. شف حنان الله ونقلبهم ذات - [00:22:20](#)

يميني وذات الشمال المفسرين هنا بيقولوا من اعظم اية في حنان الله هنا. نقلبهم زي ما الام تقلب ابنها. لان المريض لو فضل نايم على وضع واحد. واحد نام تلتमित سنة على جنب وهيحصل له قرح فراش. جسمه كله هيتاكل. انما ربنا بيبيع لهم ملايكة تقلبهم كده - [00:22:40](#)

عشان يفضلوا على طول اجسادهم سليمة. ودوراتهم الدموية ما يحصلش فيها توقف. شف الحنان زي ما الام تقلب ابنها. الله اللي بالحنين انت ازاي في حياتك مشاكل وربك بالحنان ده؟ ازاي في حياتك ابتلاءات ولك اله قادر بالحنان ده؟ وانت ما بترفعش ايدك ليه قبل الفجر بنص ساعة - [00:23:00](#)

قل له يا رب ازاي لك اله بالرحمة دي؟ اله بالكرم ده اله بالجود ده وانت ما انتاش قادر تستفيد من كرمه في حياتك. ومش قادر تستفيد من رحمته في حل مشاكلك. ومش قادر تزود دخلك وتحل ازماات رزقك. وتحل مشاكل الامراض اللي عندك بالاتصال بالرحمن - [00:23:20](#)

سبحانه وتعالى الشمس والقمر بحسبان كل ما تبص للشمس والقمر افتكر حنان الله افتكر ان دول رسالة حنان من ربنا لك والنجم والشجر يسجدان. والنجم والشجر يسجدان النجم ده اللي هو اللي هو النباتي اللي لسه - [00:23:40](#) طالع اللي هو العود الاخضر الصغنى اللي لسة طالع. الشجرة وهي لسة مولودة. زي البني ادم وهو لسة نونه كده. ده اسمه الشجرة بعد ما كبرت وبقى فيها عشر تلاف ورقة شجر. كلهم بيسبحوا ربنا ليل نهار. لما تقف قدام شجرة كده افتكر لو شفت عشر تلاف - [00:24:00](#)

شاف واحد قاعدين في مكان واحد كلهم بيجاروا بتسبيح الله. قلبك هيتخلع الكون كله بيسبح. اصغر نملة في تحت السجادة اللي انت قاعد عليها الوقتي سباحة ربنا اكثر من اي حد مننا طول عمره. اصغر نملة. تخيل كده النجم والشجر يسجدان - [00:24:20](#) الكون كله بيسجد شكر لله. الكون كله بيشكر ربنا على نعمه. وانت اكثر مخلوق ربنا انعم عليك ما احناش حاسين بنعم الله. النجم من وهو لسة مولود بيسجد لحد ما يكبر ويعجز ويبقى شجرة كبيرة بيسجد. العلماء قالوا يعني بيسجد ازاي يعني؟ قعدوا يفسروها - [00:24:40](#)

يعني البعض قال لك بيسجد سجود ما حدش فاهمه. والبعض قال لك راقب الشمس اما تطلع كده. الشمس لما بتطلع بيبدأ الضل بتاع النبات آآ او الشجرة يتكون. فالشمس اهي طالعة اهي. تلاقي الضل يبدأ يكبر يكبر يكبر كده لحد ما كأن واحد وقف. بعد كده الشمس لما تيجي فوقه - [00:25:00](#)

ابدأ الضل يرجع تاني يرجع تاني. بعد كده الشمس بتيجي الناحية العكسية الضل يرجع بالناحية العكسية. قال لك حركة الضل من الصبح لبالليل هي بالزبط حركة انسان وقف وقام نازل ساجد على الارض. بالزبط حركة الضل مع الشمس لكل شجرة ولكل نبات ولكل

- 00:25:20

كائن من اول شروق الشمس لحد غروبها بالضبط هو منظر انسان وقف على طوله وقام نازل ساجد على الارض النجم يسجدان. وفي ناس قالوا لأ ده النجم ده اللي هو نجوم السما. مليارات نجوم السما بتجار بتسبيح الله وهي سجدة. ومليارات اوراق الشجر -

00:25:40

ترموا الاشجار على وجه الارض. بتجار لله بالتسبيح وهي ساجدة. الكون كله بيعبد ربنا. الكون كله مع ربنا. فين كده ربنا بعدها قال والسما رفعها ووضع الميزان. الا تطفوا في الميزان. واقيموا الوزن بالقسط. ولا تخسروا الميزان اربع مرات. وضع - 00:26:00 الميزان. قال لا تطأ في الميزان. اقيموا الوزن ولا تخسروا الميزان. ايه! ايه الموضوع ده! ربنا بيقول لك اكبر نعمة ادها لك في الحياة.

انه اداك القرآن اللي بيوزن لك كل حاجة. اللي بيعرف لك وزن كل حاجة - 00:26:20

اكبر نعمة ان ربنا يعرفك الحجم الحقيقي للاشياء. اكبر نعمة انك انت ما تعيش موهوم في فالصو. زي ما بدأنا في الاول اللي عاشت موهوبة في طقم الماتش فالصو الشباب والنساء اللي كانوا على شواطئ تايلاند واندونيسيا في الزنا والخمر للساعة سبعة -

00:26:35

صبح وهم بيستعدوا عشان يناموا بقى. بعد ليلة حافلة بالكبائر. البحر انقلب عليهم. وماتوا كلهم تلتمية وعشرين الف واحد ثلاث دقائق او في دقيقتين واكتشفوا بعد ما ماتوا ان كل اللي كانوا فيه من معاصي ربنا. ومن لذات الدنيا وشهواتها كان فالصو. اوعى ان

ربنا - 00:26:55

اديك ميزان. ميزان توزن به كل حاجة. تعرف اللي هو القرآن. تعرف قدر كل حاجة. اصل مصيبة. انك انت ادفع كل اللي وراك واللي قدماك في حاجة تمنها جرام ولا اتنين جرام. في حاجة ما تستاهلش. فالبني ادم بيدفع عمره رأس ماله الوحيد - 00:27:15

اللي ربنا اده له عشان يتاجر به مع الله ويدخل الجنة. بيدفعه في الدنيا. بيدفعه في شهوات الدنيا. فالصق. عشان كده ربنا بيقول واقيموا الوزن بالقسط. ولا تخسروا الميزان. اوعى اوعى تبوز ميزان حياتك. اوعى توزن حاجة فوق قدرها. اوعى تزن - 00:27:35 الدنيا فيها وزن فوق قدر جناح البعوضة اللي ربنا قاله. اوعى اوعى تنسى وزن الجنة الحقيقي ووزن الدنيا الحقيقي. اوعى تنسى وزن ثيابك لربنا ووزن المخلوق في حياتك. اعرف وزن كل حاجة. اوزن كل حاجة صح. ربنا اداك القرآن الميزان عشان توزن - 00:27:55 كل حاجة فتعرف كل حاجة تستاهل قد ايه من فكرك. وتستاهل قد ايه من عمرك. وتستاهل قد ايه من وقتك. ولا تخسروا الميزان.

اوعى اوعى تبوز الميزان اللي ربنا نزله لك. اوعى تعيش حياتك بقى عشان كده دي سورة ايه؟ سورة الرحمن. السورة اللي بعدها على طول سورة ايه؟ الواقعة. اول - 00:28:15

سورة الواقعة اذا وقعت الواقعة ليس لواقعته كاذبة ايه؟ خافضة رافعة الميزان اللي البني ادم بوظه في الدنيا في سورة رحمن ربنا عدله له يوم القيامة في سورة الواقعة. خافضة رافعة. يعني حاجات انت وزنتها انها مرفوعة. يوم القيامة تتخطف - 00:28:35

قدام عينك ما كانش لها قيمة. عشت حياتك عشان حاجات ما تساويش. وحاجات كنت يوم اللي في الدنيا ما انتش وازنتها ان لها وزن. يوم القيامة ترفع وتكتسب لها قيمة. عشان كده كأن سورة الرحمن وسورة الواقعة بعدها على طول رسالة من ربنا بيقول لك اللي

مش هيضبط موازينه في الدنيا - 00:28:55

بالقرآن هيجي يوم القيامة يضبها غصب عنه. خافنة رافعة. الموازين هترجع تاني تتزبط تاني. يوم القيامة فاللي ما لوش وزن يخفض واللي له وزن يرفع. يا ترى انت يوم القيامة هيبقى لك وزن ولا ما لكش وزن؟ هيبقى لك وزن عند ربنا ولا ما لكش وزن عند

ربنا؟ عينك - 00:29:15

هيبقى لها وزن من كتر ما قريت قرآن بها ولا ما لهاش وزن من كتر ما بصيت للحرام بها. وابنك هيبقى لها وزن. من كتر ما سمعت كلام ربنا بها - 00:29:35

مش هيبقى لها وزن من كتر ما سمعت محرمات بها. لسانك هيبقى له وزن من كتر ما ذكرت الله به. ولا ما لوش وزن من كتر ما اغتبت ونميت به - 00:29:45

رجليك هيبقى لها وزن من كتر ما مسكت المصحف بها ومشيت للمسجد لها. ومشيت لدروس الايمان بها ولا ما لهاش وزن من كتر ما مشيت للقهوة بها ومشيت للمعصية بها يا ترى قلبك هيبقى له وزن من كتر حبه ما لوش وزن من كتر مشاعر الدنيا وحب الدنيا اللي فيه. اقول قولي هذا واستغفر الله لي ولكم - [00:29:55](#)

الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله. وببيدك الخير كله واليك يرجع الامر كله. اللهم صل على عبدك ونيبك محمد صلى الله عليه وسلم. في الاولين والآخرين وفي كل وقت وحين. اما بعد تستمر منزومة الرحمات - [00:30:15](#)

رب المشرقين ورب المغربيين. وله الجواري المنشآت في البحر كالاعلام. يخرج منهما اللؤلؤ والمرجان. بعد كل المنزومة المهولة دي كل من عليها فان. كل ده هيموت. وكل دول هيموتوا. الملك هيموت - [00:30:35](#)

بيقول للبشرية كل من عليها فان. كل انبياء وعصاة حكام ومحكومين رجال ونساء شباب وكبار. كل من عليها فان. الغني هيموت والفقير هيموت. الوزير هيموت والغفير هيموت. انت هتموت حبايبك هيموتوا. الكل هيموت. الانس هيموتوا والجن هيموتوا. الكائنات اللي على وجه الارض كلها هتموت. كل من عليها فان - [00:30:55](#)

قال حتى الملائكة اللي بتحاسبك. واللي بتكتب عليك الحساب هتموت. حتى ملايكة السماوات هتموت. حتى حملة العرش هتموت حتى ملك الموت هيموت. الله قدر الموت على البشرية كلها. الله قدر الموت يوم القيامة على البشر اجمعين. كل - [00:31:25](#)
ومن عليها فان ويبقى وجه ربك. مش هيبقى غير وجه الله سبحانه وتعالى. لن يبقى الا ما كان لوجه الله. كل اللي انت عملته عشان وجوه الناس هيروح. كل اللي انت عظمت فيه المخلوق هيروح. كل اللي انت عملته عشان الدنيا هيروح. لن يبقى الا ما كان لاجلك - [00:31:45](#)

الله. عشان كده الاية دي بتعلمك الاخلاص. الاية دي بتعلمك ان قلبك ما يبقاش فيه غير الله. ويبقى وجه ربك الجلال والاکرام. وجه الله بس. ما كان لوجه الله هو اللي هيبقى. انت بتعمل عشان ايه؟ انت بتسعى على رزقك عشان ايه - [00:32:05](#)
انت جاي تصلي عشان ايه؟ انت عايز تحج عشان ايه؟ الاخلاص. الرسول عليه الصلاة والسلام يقول اول من تسعر به من النار يوم القيامة. اول ناس النار هتسعر بهم يوم القيامة. يعني يوم القيامة ربنا يجمع الناس في الحشر. وهيبداوا يتحاسبن. فيوم القيامة لسة له خمسين الف سنة على ما يخلص. الخمسين الف - [00:32:25](#)

دول النار بتسعر فيهم بقى. عشان تبقى في قمة هيجها اما يبجي وقت القاء الكفار فيها. ففي ناس ربنا هيلقيها في النار من اول يوم القيامة النار تتسعر بهم كوقود لها. طول الخمسين الف سنة عما يوم القيامة يخلص. فيقوم الكفار لما يلقوا - [00:32:45](#)

النار يلاقوها في قمة توهجها. وفي قمة تشظيها وفي قمة اشتعالها وسعارها. مين بقى يا رسول الله؟ اول ما انتم دول مين؟ دول فرعون ولا هامان ولا النمروذ دول مين يا رب؟ مين يا رسول الله عليه الصلاة والسلام؟ اول من تسعر بهم النار - [00:33:05](#)
واحد عالم عالم! عالم من علماء الدين يأتي به الله فيعرفه بنعمه. انا علمتك القرآن والسنة وعلمتك الفقه والعقيدة والنحو واللغة والفقه واصول الفقه وعلمتك علوم الشرع كلها وعلمتك اقوال العلماء في كل اية وفي كل حديث - [00:33:25](#)

الحديث الصحيح من الضعيف من المرسل من المقطوع علمتك كل حاجة. ها فماذا عملت فيما اعطيتك؟ عملت ايه بالعلم ده قل يا رب تعلمته فيك. وعلمته فيك يا رب. انا كنت باعلم الناس عشان الناس تعبدك. فيقول الله كذبت - [00:33:45](#)
تقول الملائكة كذبت. ملايكة السماوات كلها تصدق الله وتقول كذبت. بل تعلمته ليقال عالم وقد قيل ثم يؤمر به فيسحب الى النار. يا نهار ابيض! اول ثلاثة بتسعر بهم النار. واحد كان بتاع صدقات - [00:34:05](#)

وانفاق وواحد كان عالم بيدعوا الناس ويبعلمهم وواحد قارئ قرآن الناس كلها بتصطح من بتوع الميكروباصات كلهم يصطبحو على صوته والناس تسمع وتعيط دول اول ثلاثة بس كانوا مرانين لان ما كانش عندهم ببقى وجه ربك. ما كانش عندهم الاخلاص. ما كانش - [00:34:25](#)

مش بيشتغلوا لوجه الله طب دول اول ناس ربنا يرميهم في النار ليه؟ كأن رسالة من ربنا للبشرية كلها قبل ما يبدأ الحساب. ما حدش

بيضحك على ربنا. ما حدش بيضحك على ربنا. دول كانت - [00:34:45](#)

قلوبهم قلوب شياطين. ومن برة اعمالهم اعمال ملايكة. وزنوا انهم ضحكوا على الناس وخدعوا ربنا. سبحان الله! فرينا يكشفهم اول ناس القيامة عشان يوصل رسالة لكل الناس في ارض المحشر. ما فيش حد يحور بقى. ما حدش يلف ويدور. كله يعرف ان النهاردة يتبعون الداعي لا عوج - [00:34:57](#)

سلام ما فيش عوج النهاردة ما فيش لف ودوران النهاردة ما فيش وان تلو او تعرضه. ما حدش هيعرف يلوي. ما حدش هيعرف حد ما حدش هيعرف يعمل حاجة من دي. كله يبقى دوغري. لان لو كان فيه حد ممكن يخادع الله كانوا دول خدعوه. فدول من اولها ربنا كشفهم قدام الناس كده - [00:35:17](#)

ويبقى وجه ربك ذو الجلال والاکرام. فبأي الاء ربكم اتكذبان؟ مش شايفين النعم اللي حواليكم دي كلها مش شايفين الاداء النعم ومشاهد القدرة اللي اللي في جسمك واللي حواليك. كل ده ولسه قلبك ما اتحركش. كل ده ولسه ما - [00:35:37](#)

انك انت تعبد ربنا وتفصل لطاعة ربنا سبحانه وتعالى. يسأله من في السماوات والارض. الكون كله رافع ايده وبيقول يا رب الكون كله محتاج ربنا. الكون كله مفتقر لربنا. قال لك يسأله اهل السماوات ان يقويهم على العبادة - [00:35:57](#)

اسأله اهل الارض ان يرزقهم ويعافهم. طب ما تخليك زي ملايكة السماوات. وتسأله برضو القوة على العبادة قل له يا رب اعني على ذكرك وشكرك وحسن عبادتك. عشان كده الدعاء ده دعاء ملائكي. ده دعاء الملايكة. الدعاء اللي اللي الرسول عليه الصلاة والسلام علمه لسعد لمعاذ ابن - [00:36:17](#)

جبل يا معاذ اني احبك لا تدعن ان تقول بعد كل صلاة. اللهم اعني على ذكرك وشكرك وحسن عبادتك. ده دعاء الملايكة الملايكة يا اللي بتقول يا رب اعنا على العبادة. يا رب اعني على طاعتك وعلى ذكرك وعلى شكرك وعلى حسن عبادتك. لما بتدعي الدعاء ده انت بتبقى انسان ملائكة - [00:36:37](#)

لانك تسأل الله مش بس رزق الابدان. لأرزق القلوب. يسأله من في السماوات والارض. كل يوم هو في شأن كل يوم هو فيه يعني ايه كل يوم هو في شأن؟ ابن عباس له اثر كده وان كان السند في مقال في تفسير الطبري ان الله - [00:36:57](#)

خلق لوحا محفوظا اللي هو اللي فيه كل احوال البشر. عرضه ما بين السماء والارض. ينظر الله فيه كل يوم ثلاثمة وستين نظرة. كل يوم ربنا بينزر لحوال البشر تلتمية - [00:37:17](#)

مية وستين مرة. طبعا ربنا سميع بسيط. ها؟ فيغني ويرفع ويخفض ويحيي ويميت ويفعل ما يشاء. عارف يعني ايه؟ يعني انت عندك تلتمية وستين فرصة كل يوم ان ربنا يشفي مرضك - [00:37:37](#)

تلتمية وستين فرصة كل يوم ان ربنا يغني فقرك. ان ربنا يفرج كربك. ان ربنا يزيل الهم والغم عنك. اية املاً قلبك بالامل بامل كل يوم هو في شاء. كل يوم فيه فتح جديد. كل يوم فيه اسماء ناس ربنا بيرزقها الشفاء. كل يوم فيه ناس - [00:37:57](#)

اغتنى بعد فقر كل يوم في ناس بترفع بعد خفض كل يوم في ناس بتهدى بعد ضلال. كل يوم في ناس بترشد بعد تيه كل يوم فيه فتوحات جديدة ونصر جديد ومدد كل يوم. كل يوم عندك امل جديد ان مشاكل حياتك تتحل - [00:38:17](#)

كل يوم وكل ليلة وكل لحزة عندك امل ان ربنا يفرج كربك. ويحل لك مشاكل حياتك. كل يوم هو في شأن الرحمن بعد ما وقفنا مع نعم ربنا اخر حاجة - [00:38:37](#)

قال رسول الله صلى الله عليه وسلم من اصبح والدنيا همه ومن اصبح والاخرة همه. اهي دي بقى ولا تخسروا الميزان. فيه ناس ميزانها بايز اصبحت والدنيا همها. قاعد دلوقتي في خطبة الجمعة وكل دماغه هعمل ايه في مشكلة كذا. واحل مشكلة كذا ازاى؟ وفي واحد كل دماغه من اصبح والا - [00:38:53](#)

همه شايل هم ربنا راضي عنه ولا لأ؟ شايل ولو رضا هيرضيك. ولو رضا هيعمل لك فوق وتتخيل كل يوم هو في شأن هيبقى لك اعظم الحظ من عطاءاته وفتوحاته سبحانه وتعالى. من اصبح والدنيا همه - [00:39:13](#)

واحد فرق الله عليه شمله. اتنين جعل فقره بين عينيه. ثلاثة لم يأت من الدنيا الا فقس له منها ومن اصبح والاخرة همه. واحد جمع

الله عليه شمله. ما يبقاش مشتت. ما يبقاش متوتر. ما يبقاش - [00:39:33](#)

التايه مع الدنيا ما يجريش فيها جري الوحوش. جمع الله عليه همه. اتنين جعل غناه في قلبه. غناه بشوية دولارات في جيبه. ولا بشوية فلوس في رصيده في البنك. ولا بحتة ارض اشتراها. ولا بعقدين سندات ملكية. غناه في قلبه - [00:39:53](#)
غناه في يقينه بالرزاق. عشان كده ما بيقتقرش ابدأ. ما بيزعلش. لان الفلوس اللي في جيبه مش هي مصدر غناء الفلوس اللي في جيب ابوه ولله المسل الاعلى. الفلوس اللي في خزائن ربنا هي مصدر غناه. فمتظمن انت فقير بس ابوك غني - [00:40:13](#)
خلاص وابويا طيب ورحيم وودود ومعطاء ووهاب. خلاص اقلق ليه ؟ ابويا هيديني كل حاجة. حتى لو ما فيش في جيبني ولا مليم بس جيب ابويا فيه مليون جنيه هعلق ليه ؟ ولله المثل الاعلى من اصبح والاخرة همه جمع الله عليه شمله. اتنين جعل غناه في قلبه -

[00:40:33](#)

تلاثة واته الدنيا وهي راغمة. شفت كلمة النبي يقول ايه؟ اتته ايه؟ ها؟ مش اتاه الرزق مش اتته السعادة. مش اتاه الشفاء اتته الدنيا.

ربنا يجيب له الدنيا باللي فيها تحت رجليه - [00:40:53](#)

رب ده جناح بعوضة. هي دي تيجي ايه في اللي ربنا يديه لك في الجنة؟ ان ربنا رزقك الجنة يا رب اللهم امين. واته الدنيا وهي راغمة يبقى المشغول عن الله ده مخزول عايزين نفهم معاني سورة الرحمن روح اقرها. صلي ركعتين بعد العشا كده وافتح المصحف

وصلي بسورة الرحمن. اقرا الرحمن - [00:41:13](#)

اسمك ايه؟ عشان الشيطان ما ينسكش ربنا عمل لك ايه؟ اللهم اعنا على ذكرك. اللهم يا رحمن اعنا على ذكرك اكرم وحسن عبادتك.

اللهم اعنا على ذكرك وشكرك وحسن عبادتك. اللهم اعنا - [00:41:33](#)

على ذكرك وشكرك وحسن عبادتك. اللهم يا رحمن ارحمنا. اللهم ارحمنا برحمتك الواسعة. يا حي يا قيوم برحمتك نستغيث اصلح لنا

شأننا كله ولا تكلنا الى انفسنا طرفة عين. اللهم رحمتك نرجو - [00:41:53](#)

اللهم رحمتك نرجو فلا تكلنا الى انفسنا طرفة عين. اصلح لنا شأننا كله. لا اله الا انت اللهم ارحمنا فانك بنا راحم. ولا تعذبنا فانت علينا

قادر. اللهم لطفك. اللهم لطفك. اللهم اجعل لنا ودا يا رب - [00:42:13](#)

رحمن اجعل لنا ودا يا رحمن. ربنا اتنا من لدنك رحمة وهيه لنا من امرنا رشدا اللهم ارحمنا. اللهم انا نستغيث برحمتك يا ارحم

الراحمين. اللهم فرج كربنا. اللهم اشف امراضنا. اللهم ازل الهم والغم عنا - [00:42:33](#)

اللهم اهد قلوبنا. اللهم اشرح صدورنا. اللهم زك لنا نفوسنا. اللهم قوي في رضاك عزمنا. اللهم ازل الهم والغم عنا. اللهم اشف احبابنا.

اللهم اعد المسجد الاقصى الى المسلمين. اللهم حرر القدس - [00:42:53](#)

اندنس اليهود اللهم استعملنا ولا تستبدل بنا. اللهم استعملنا ولا تستبدل بنا. اللهم استعملنا ولا تستبدل بنا يا ارحم الراحمين سبحانه

اللهم وبحمدك اشهد ان لا اله الا انت استغفرك واتوب اليك - [00:43:13](#)

- [00:43:33](#)